



R21080161

17. september 2021

Svar við fyrirspurn

Til: Borgarráðs

Frá: Skrifstofustjóra innkaupaskrifstofu

Efni: Fyrirspurn áheyrnarfulltrúa Flokks fólksins um flækjustig í útboðsmálum - R21080161

Óskað hefur verið eftir svari innkaupaskrifstofu við fyrirspurn áheyrnarfulltrúa Flokks fólksins, sem barst þann 27. ágúst sl., um flækjustig í útboðsmálum. Fyrirspurnin er eftirfarandi:

„BORGARRÁÐ 26. ágúst 2021: Fyrirspurn áheyrnarfulltrúa Flokks fólksins um flækjustig í útboðsmálum - R21080161

Enn berast tíðindi af ófullnægjandi útboðsgögnum síðast á uppfestibúnaði fyrir lýsingu og viðburðabúnaði í Laugardalshöll. Útboðið hefur verið kært þrisvar og nú á að fara í nýtt útboð. Þetta er að verða sagan endalausa og allt vegna þess að útboðsgögn eru ekki nógu góð. Fulltrúi Flokks fólksins vill fá nánari skýringar á þessu og hvað veldur því að Reykjavíkurborg geti ekki lært af mistökum sínum? Fulltrúi Flokks fólksins hefur áður spurt hvort þjálfa þurfi embættismenn betur og frekar í útboðsfræðum. Því var svarað á þann hátt að „slik endurmenntun sé í gangi og að nýgengnir úrskurðir kærunefndar útboðsmála gæfu ekki tilefni til viðbragða vegna núverandi stjórnenda.“ Engu að síður berast enn fregnir af mislukkuðum útboðum sem rekja má til mistaka borgarinnar við að gera útboðsgögnin rétt úr garði. Vel kann að vera að einhverjar kærur eigi ekki rétt á sér en varla er það þannig í meirihluta mála. Sekir í þessum málum vegna gallaðra útboða koma illa við borgarsjóð. Hversu flókið er það lögfræðilega að gera útboð rétt úr garði?“.


Svar innkaupaskrifstofu:

Ráðgjöf og fræðsla í sem tengist innkaupamálum er mikil hjá Reykjavíkurborg bæði frá Innkaupaskrifstofu og embætti borgarlögmanns. Fræðslan er í formi skipulagðrar fræðslu og upplýsingafunda sem og dagleg ráðgjöf. Útboð hjá Reykjavíkurborg eru mörg á hverju ári, eða um þrjúhundruð ferlar ár hvert, og fjölgar stöðugt, sbr. neðangreinda töflu. Fjölmörg álitamál geta komið upp í hverju ferli og er flækjustig oft mikið. Gerð útboðsgagna og framkvæmd innkaupaferla er flókið enda málsmeðferðarreglur laganna ítarlegar og umfangsmiklar. Almennt skiptast útboðsgögn Reykjavíkurborgar í þrjá hluta:

1. Skilmálar fyrir útboðsferli (svokallaður 0-kafli) útboðsskilmála
2. Almennir samningsskilmálar Reykjavíkurborgar
3. Verkefnislýsing sem innifelur tæknilýsingu og kröfur sem tengjast verkefninu


R21080161
17. september 2021

Í þriðja hluta útboðslýsinga er lýsingin sniðin að hverju verkefni fyrir sig og ekki alltaf fyrilliggjandi fordæmi um sambærileg verkefni. Af þeim ástæðum er ekki hægt að nýta staðlaðar kröfur eða stöðluð útboðsform nema að litlu leyti.



Myndin hér að ofan sýnir fjölda opinberra innkaupaferla sem borgin hefur farið í á hverju ári fyrir sig og ljóst að fjöldinn vex ár frá ári. Það sem af er þessu ári 2021 hafa um 270 innkaupaferlar farið fram.

Virðingarfyllst,


Jóhanna Eirný Hilmarsdóttir,
Skrifstofustjóri innkaupaskrifstofu